



Նոր

ՃՐԱԳ

Գ Տարի : Թիւ 2

Եռամսեայ թերթիկ
Ապրիլ . 2017



Հրատարակութեամբ
Հ.Մ.Ը.Մ. Ալմէլօ Մեկունի շրջանի վարչութիւն

ԽՄԲԱԳՐԱԿԱՆ «ՄԱՐԶԻԿ»Ի ԹԻԻ 405-Ի ՅԱՂԹԱՆԱԿԻ ՄՈԼՈՒԹԻՒՆԸ

Վնասաբեր մոլորիւններու մասին շատ խօսուած է: Ծանօթ եւ ընդհանրացած մոլորիւններ են ծխախոտի, խմիչքի, բախտախաղի եւ գրաւախաղի մոլորիւնները: Յաղթանակի մոլորիւնը սակայն նորոլորիւն է, իբրեւ երեւոյթ եւ վտանգ:

Վտանգը կու գայ արդի մարգախաղերու պարզած իրավիճակէն: Մինչեւ մեր մօտիկ անցեալը մարգախաղերը կը ծառայէին առողջ մարմնի մէջ առողջ միտք կերտելու աշխատանքին, սակայն արհեստավարժութեան եւ առեւտրական մրցակցութեան զարգացումով, նաեւ՝ քարոզչութեան եւ ընկերային ցանցերու գերիշխանութեան հաստատումով, այսօր անոնք դիմագիծ եւ նպատակ փոխած են՝ դարձած են հսկայ ճարտարարուեստ, ուր գերակշռող մօտեցումը շահն է, նիւթականը:

Պէտք է շահիլ, շահելու համար՝ յաղթել: Ուրեմն, «Ամէն գնով պէտք է առաջնութեան տիրանալ: Ընդունելի եւ անընդունելի բոլոր ձեւերով յաղթել, որովհետեւ իւրաքանչիւր յաղթանակ կ'ապահովէ նիւթական նոր հովանաւոր, իւրաքանչիւր յաջողութիւն՝ նոր ծանուցում»: Ա՛յս է ընդհանուր տրամաբանութիւնը յաղթանակի մոլորեան տառապողներուն:

Այս տրամաբանութիւնը կրնայ ճիշդ ըլլալ մարգական միջազգային ակումբներու պարագային, որոնք կազմուած են շահակցական նկատառումներով, շահի ու վնասի հաշուեկշիռով: Ակումբներու բաժնետէրեր միշտ պիտի ուզեն կրկնապատկուած գերոներով տեսնել իրենց պիւտճէները: Այդ պատճառով ալ անոնք խտրութիւն պիտի չդնեն յաղթանակի հասնելու իրենց միջոցներուն մէջ: Պիտի գնեն ու ծախեն տեսակ-տեսակ մարզիկներ եւ... մրցումներ, պիտի ծախսեն անհաշիւ գումարներ՝ մարգական բարոյականութեան ամէն սկզբունք մէկդի դրած:

Այս տրամաբանութեամբ հասակ պիտի առնէ մարգական արժէքներէ պարպուած սերունդ մը, որ յաղթանակի գինովութեամբ տարուած՝ անհակակշռելի պիտի ըլլայ դաշտերէ ներս թէ դուրս: Մերունդ մը, որ նուագագոյն պարտութիւնն իսկ պիտի դիմաւորէ դժգոհութեամբ, կռիւով եւ... մրցակիցին հանդէպ անտեղի ոխակալութեամբ:





Այս ընդհանուր պատկերին մէջ ո՞ր է Հ.Մ.Ը.Մ.ին դերն ու տեղը: Հ.Մ.Ը.Մ.ը կամաւոր աշխատանքի հիմքով գործող ազգային մարմնակրթական միութիւն է, որուն համար մարզախաղերը միջոց են եւ ոչ՝ նպատակ: Հ.Մ.Ը.Մ. իր գործունէութիւնը յառաջ կը տանի սկաւառական, մարզական եւ վարչական թելերով: Երեք թելերէն որեւէ մէկը նախապատուութիւն չի վայելեր, ընդհակառակն՝ Հ.Մ.Ը.Մ.ական սկաւառներ, մարզիկներ ու վարչականներ կը կազմեն մէկ ամբողջութիւն, միութենական միեւնոյն նկարագիրով, ինքնութեամբ եւ պատկանելիութեամբ, ինչ որ օտարները կը ճանչնան Հ.Մ.Ը.Մ.ականութիւն անունով:

Հ.Մ.Ը.Մ.ականութիւնը նմաններով ապրուած կեանք մըն է, դաստիարակութիւն է, միութենական կազմաւորում է:

Հ.Մ.Ը.Մ.ականութիւնը միութենական արժէքներով եւ սկզբունքներով գործելու համոզում է, կամք է:

Հ.Մ.Ը.Մ.ականութիւնը միութեան ճամբով ազգին ծառայելու հաւատք է, պատրաստակամութիւն է:

Առանց այս բոլորին ի՞նչ Հ.Մ.Ը.Մ.ականութիւն, ի՞նչ յաղթանակ: Հ.Մ.Ը.Մ.ականութիւնը կը թելադրէ, որ մեր մատղաշ տղոց մարզական կուռքերը ըլլան միութենական կենսագրութեամբ հարուստ դէմքեր եւ ոչ թէ նիւթական վարձատրութեամբ հարուստ մարզիկներ, որոնք միութեան շապիկը կրելէ անդին՝ միութենական ոչ մէկ արժէք կը կրեն իրենց երակներուն մէջ:

Ընդունինք, որ մարզական յաղթանակներու ձեռք բերումը ինքնաբերաբար չի կրնար ըլլալ: Որեւէ յաղթանակ կը պահանջէ երեք նախապայման. - ենթակառոյց, նիւթական եւ մարդու: Հ.Մ.Ը.Մ.ի նման միութիւններ ունի՞ն, կրնա՞ն ունենալ անհրաժեշտ այն ենթակառոյցը, որոնք անպարտելի կրնան պահել զիրենք (արդիական դաշտեր, նորագոյն սարքաւորումներ, մասնագիտական գրասենեակներ...): Անշուշտ, պէտք է ձգտիլ այդ բոլորը ունենալու, սակայն իրապաշտութիւնը կը թելադրէ նկատի ունենալ սեփական կարելիութիւններն ու կարողութիւնները եւ ըստ այնմ որոշել ակնկալութիւններու չափն ու սահմանը:

Հ.Մ.Ը.Մ.ի նման միութիւններ ի վիճակի՞ են տարեկան հսկայական գումարներ յատկացնելու որոշ մարզախաղերու, յաճախ այլ մարզախաղերու հաշուոյն: Միութիւնը առեստրական հաստատութիւն չէ, որ նիւթականի անվերջ հոսք ունենայ: Այլ հարց, որ իբրեւ սկզբունք, արդա՞ր է 15-20 մարզիկի համար ծախսել միութեան մը մնացեալ բոլոր անդամներուն համար ծախսուած գումարին տասնապատիկը կամ քսանապատիկը:

Իսկ մարդո՞ւմ. սիրողական սկզբունքներով գործող միութիւն մը ի՞նչպէս կրնայ չափուիլ մեր օրերու ամենէն արհեստավարժ մարզիկներով օժտուած խումբերուն դէմ: Իսկ ինչո՞ւ չափուիլ, երբ միութեան կանոնագիրով ճշդուած նպատակը մասնակցութիւնն է եւ այդ ճամբով՝ սերունդ համախմբելը, կրթելն ու դաստիարակելը, հայր հա՛յ պահելը: Արհեստավարժներու դէմ կրնան դնել արհեստավարժները միայն, ի հեճուկս պահեստի նստարաններուն վրայ նստող կրտսերներուն, որոնք տարիքային խումբերու մէջ իրենց տարիները մաշեցնելէ ետք՝ կարգ կը սպասեն միութեան շապիկը կրելու համար:

Մրցակցութիւնը լաւ բան է, յաղթանակի ձգտիլը՝ աւելի լաւ, սակայն «յօնք շինելու

տեղ աչք պետք չէ հանել»²

Յաղթանակի մոլորթինը «ա՛յք կը հանէ», մարգասերները կը կուրցնէ եւ հաւաքականութիւնները կ'առաջնորդէ նիւթաբարոյական սնանկութեան՝ Հո՛ն, ուր իբրեւ միութիւն երբեք պիտի չուզէինք հասնիլ ո՛չ այսօր, ո՛չ ալ վաղը:

ՄԱՐԶԻԿ

ՀՄԸՄ Վիեննա -Homenetmen Vienna .
(Փետրուար 20,2017)

Հ.Մ.Ը.Մ.-ի Եւրոպայի Երիտասարդական Առաջին
Հաւաքը Վիեննայի մէջ

ՄԱՍԼՈՅ ՀԱՂՈՐԴԱԳՐՈՒԹԻՒՆ

Եւրոպայի երիտասարդութեան ներուժի համախմբման լաւագոյն առիթ հանդիսացաւ Հ.Մ.Ը.Մ.-ի Եւրոպայի Երիտասարդական Առաջին Հաւաքը Վիեննայի մէջ :



17-19 Փետրուար 2017-ին Վիեննայի մէջ տեղի ունեցաւ իր տեսակին մէջ առաջինը նկատուող Հ.Մ.Ը.Մ.-ի Եւրոպայի Երիտասարդական հաւաքը, որուն մասնակցութիւն կը բերէին Անգլիայէն, Ֆրանսայէն, Հոլանտայէն, Գերմանիայէն, Աւստրիայէն, Շուէտէն, Հայաստանէն, Պելճիքայէն, Յունաստանէն, ինչպէս նաեւ Երուսաղէմէն ժամանած 60 Հ.Մ.Ը.Մ.-ական երիտասարդներ: Հ.Մ.Ը.Մ.-ի Կեդր. Վարչութեան Հովանաւորութիւնը վայելող եւ Հ.Մ.Ը.Մ.-ի Վիեննայի մասնաճիւղի վարչութեան կողմէ կազմակերպուած այս հաւաքը, հիմք ունենալով միութեան 2015-ին վերամշակուած ընդհանուր ծրագիր կանոնագիրը եւ նախապէս ընդունուած ռազմավարական ծրագիրը, կը նպատակադրէր Եւրոպայի տարածքին գտնուող Հ.Մ.Ը.Մ.-ական երիտասարդները համախմբել, ծանօթանալու եւ համագործակցելու առիթներ ստեղծել, Եւրոպայի հայ երիտասարդութիւնը յուզող ազգային, միութենական ու ընկերային ժամանակակից հարցեր քննարկել, լուծումներ առաջարկել, զարկ տալ Եւրոպայի տարածքին Հ.Մ.Ը.Մ.-ի երիտասարդական ցանցին եւ կարողութիւններուն, միութեան մարմիններուն եւ յանձնախումբերուն մէջ

երիտասարդ տարր ներգրաւելու նպաստել, ինչպէս նաեւ նախապատրաստուիլ՝ միութեան հարիւր ամեակին:

Հաւաքի պաշտօնական բացման արարողութեան ընթացքին Հ.Մ.Ը.Մ.-ի Կեդր. Վարչութեան ատենապետ Էդր. Գառնիկ Մկրտիչեանը վեր առաւ նման հաւաքներու կարելոր հանգամանքը, շեշտեց թէ միութեան գերագոյն մարմինը երիտասարդներուն ձայնը կը լսէ ու կը համագործակցի անոր հետ, ինչպէս նաեւ հաստատեց թէ Եւրոպայի տարածքին Հ.Մ.Ը.Մ.-ը էական դերակատարութիւն ունի հայ երիտասարդութեան առողջ ու հայեցի միջավայր ապահովելու: Օգտուելով հաւաքի այս խորհրդաւոր առիթէն, Հ.Մ.Ը.Մ.-ի Վիեննայի Մասնաճիւղի երկու վեթերան եղբայրներ՝ Գրիգոր Հալլաճեանն ու Սամուէլ Նահապետեանը ստացան Հ.Մ.Ը.Մ. «Ծառայութեան» շքանշաններ:



Հաւաքը հիմնական հետեւեալ չորս թեմաներուն շուրջ քննարկումներ կատարեց՝

- Ա- Հ.Մ.Ը.Մ.-ի դերը Եւրոպայի Երիտասարդութեան դիմագրաւած մարտահրաւերներուն մէջ՝ Հայեցի դիմագիծ, Առաջնահերթութիւններ, Միութենական Կեանք Զեկուցաբերներ Քոյր Սեւան Նազարեան (Ֆրանսա) եւ Եդր. Վիգէն Գապաքեան (Պելճիքա)
- Բ- Հ.Մ.Ը.Մ.-ը որպէս կամուրջ Եւրոպայի երիտասարդութեան եւ Հայաստան – Արցախի միջեւ Զեկուցաբեր Քոյր Հռիփսիմէ Յարութիւնեան (Յունաստան)
- Գ- Եւրոպայի Երիտասարդութեան դերը Հ.Մ.Ը.Մ.-ի մէջ 21-րդ դարու պայմաններուն տակ: Զեկուցաբերներ Քոյր Անէթ Մոսկոֆեան (Անգլիա) եւ Եդր. Գէորգ Յակոբճեան (Աւստրիա)
- Դ- Հ.Մ.Ը.Մ. եւ Communication strategies & Social Media Զեկուցաբերներ Եդր. Յարութ Պաղամեան (Երուսաղէմ) եւ Եդր. Գօգո Սահակեան (Երուսաղէմ).



Յաջորդական նիստերուն ընթացքին, իւրաքանչիւր գլուխի մէջ, զեկուցաբերները մանրամասնօրէն ներկայացուցին Հ.Մ.Ը.Մ.-ի դերակատարութիւնը հայ երիտասարդին դիմագրաւած ժամանակակից մարտահրաւերներուն մէջ, դիպուկ օրինակներ տուին Եւրոպայի մէջ հասակ առնող սերունդներու հայեցի դաստիարակութեան մէջ Հ.Մ.Ը.Մ.-ին ունեցած եւ ունենալիք դերակատարութեան, վերլուծեցին Եւրոպայի հայ երիտասարդութեան դիմագրաւած տագնապները, անդրադարձան դժուարութիւններուն, ներառեալ իրար հետ հաղորդակցելու դժուարութիւններուն, հայերէնի անբաւարար իմացութեան կամ զանազան հայերէններու օգտագործման բարդ հարցերու գոյութիւնը եւ այլն. շեշտուեցաւ կարիքը ընկերային բնոյթի ծրագիրներու գործադրութեան՝ Երեւանէն դուրս մարզերուն եւ սահմանային շրջաններուն մէջ Եւրոպայի մասնաճիւղերուն միջոցաւ, Արցախի մէջ երիտասարդական պտոյտներու, հայոց բանակի բարոյական զօրակցութեան, և ընդհանուր առմամբ հայրենաճանաչելիութեան մակարդակի բարձրացման. անդրադարձ կատարուեցաւ մեր ընկերութիւններու և միութիւններու մօտեցումներուն, որոնք պէտք է վստահին երիտասարդութեան ու անոնց կարողութիւններուն. Այս ծիրին մէջ առաջարկուեցաւ երիտասարդութեան ճամբով միութիւնը աւելի արդիական ու ժամանակակից մեթոտներով ղեկավարելու մասին, միութեան մէջ երիտասարդութեան ներուժը, մասնագիտութիւնները եւ առհասարակ ժամանակակից փորձառութիւնները համակարգուած ձեւով օգտագործելու եղանակներ փոխանցուեցան, ինչպէս նաեւ յաջող օրինակներ ներկայացուեցան թէ տարբեր մասնաճիւղերու մէջ երիտասարդները ինչպիսի քայլերով կը նպաստեն ու կրնան նպաստել Հ.Մ.Ը.Մ.-ի ու համայն հայութեան վերելքին ու յառաջդիմութեան:



Վերջին բաժնով երիտասարդները գիտականօրէն վերլուծեցին թէ ինչպէս կարելի է արդի հաղորդակցութեան արդի միջոցները եւ յատկապէս ընկերային հաղորդակցութեան միջոցները ազդեցիկ ձեւով ու նպատակաւաւորօրէն օգտագործել Հ.Մ.Ը.Մ.-ի նպատակներու հետապնդման եւ քարոզչութեան ի նպաստ. հաւաքի եզրափակիչ նիստը նուիրուած էր Հ.Մ.Ը.Մ.-ի հարիւր ամեակի աշխատանքներուն, ուր մանրամասնօրէն ներկայացուեցան նախատեսուած ծրագիրները, որոնք ընդհանրապէս տեղի պիտի ունենան Հայաստանի մէջ ու անոնց իրականացման գծով Հ.Մ.Ը.Մ.-ի Եւրոպայի Երիտասարդութեան դերին ու կատարելիքներուն մասին խօսուեցաւ:

Հաւաքի մասնակիցներուն ջերմութիւնը, գոհունակութիւնն ու դրական տպաւորութիւնները կարելի չէ քանի մը տողերու մէջ պարփակել, սակայն իր տեսակին մէջ առաջինը նկատուող այս հաւաքը եկաւ հաստատելու թէ նման հաւաքներու ծարաւ ունի Եւրոպայի երիտասարդութիւնը: Հետեւաբար, այս եւ այլ ձեւի հաւաքներ անքննարկելիօրէն կարելոր են Եւրոպայի հայ երիտասարդութիւնը համախմբելու, դաստիարակելու, նպատակաւորօրէն աշխատանք տանելու, համագործակցելու առիթներ ստեղծելու, դժուարութիւնները յաղթահարելու եւ միութեան նպատակները իրականացնելու:

Հ.Մ.Ը.Մ.-ի Վիեննայի Մեկուսի Շրջանի Վարչութիւն

ԱՅՍՕՐՈՒԱՅ ԵՐԻՏԱՍԱՐԴՆԵՐԸ ՎԱՂՈՒԱՆ ԱՌԱՋՆՈՐԴՆԵՐ

Հ.Մ.Ը.Մ. Ալմելօ Մեկուսի Շրջանը իր մասնակցութիւնը բերաւ Հ.Մ.Ը.Մ. Վիեննայի Մեկուսի Շրջանի կազմակերպած. Հ.Մ.Ը.Մ. Եւրոպայի Երիտասարդական Առաջին Հաւաքին . որը տեղի ունեցաւ 17-19 Փետրուար 2017 Վիեննա քաղաքին մէջ:



Հաւատալի ըլլալով (ԱՅՍՕՐՈՒԱՅ ԵՐԻՏԱՍԱՐԴՆԵՐԸ ՎԱՂՈՒԱՆ ԱՌԱՋՆՈՐԴՆԵՐ) սահմանուած կարգախօսին . օրուայ ձեռնարկին մասնակցեցան միութեանս (Եդր. Յակոբ Քասբարեան, Եդր.Հովիկ Մովսեսեան եւ Եդր. Յակոբ Կորկիսեան) Երիտասարդները. Որոնք չնայած թէ իրենց առաջին մասնակցութիւնն ըլլալով , բայց նրանք կարողացան բարձր որակով (իրենց մասնակցութիւնները բերելով օրուայ պատրաստուած օրակարգերուն) միութեանս նկարագիր մը փոխանցել ներկաներուն :



Վա՛յ վա՛յ կղզիէն . Լուրեր

Մեր կղզու գիտնականներու եւ պատմաբաններու վերջին եռամսուայ ժողովի նիստի քննարկուելու նիւթն էր . մեր կղզու մէջ տեղի ունեցած (կրկին« մեր կղզու») երիտասարդական ձեռնարկները : Ուր մեր երիտասարդական միութեան բարերարութեան աշխատանքները միշտ հետաքրքրական ուշադրութիւնները գրաւած է բոլորին: Հետաքրքիրը հարցը սա միութեան աշխատանքներն չէն այլ նրա անդամներու տարիքները. ուր բոլոր ներկաներու եւ անդամներու տարիքները +50 էին:

Ուստի քննարկուած հարցը .(*եթէ +50 Երիտասարդներ կ'համարուին . երբ (սա ժողովուրդը) պիտի աճի եւ հասուն տարիքի պիտի հասնի եւ ինչ է իրենց մանկական եւ պատանեկան սահմանուած ժամանակաշրջանները*):

Հ.Մ.Ը.Մ. Ալմելօ ի Ոտնագնդակի (Ա) Խումբը



Հ.Մ.Ը.Մ. Ալմելօ մեկուսի շրջանի սրահի ոտնագնդակի (Ա) խումբը , իր պաշտօնական մասնակցութիւնը բերաւ Հոլանտական Ֆութպոլի Ֆեդերացիայ ի (K.N.V.B.) ԹՈՒԵՆԹԱ շրջանի 2016-17 Թ. (Գ կարգի) բաժակի եւ ախոյեան մրցաշարին:

Խումբը կ'բաղկանայ 8 մարզիկներէ ի ղեկավարութեամբ Եդր. Հայաստան (Հայո) Սարգիսեան , Եդր. Բոպիկ Յակոբեան (օգնական) եւ Եդր. Ասլան Ասլեան, Եդր. Արման Խաչիկեան (իբր խմբի վարիչներ):

Մրցաշարը կ'աւարտուի Մայիս 2017 թ.ին .Գ-կարգի մրցաշարին մէջ միութեանս խումբը միակ հայկական ոտնագնդակի խումբն է :

1/1/2017թ. Է սկսեալ սկսուեցաւ Գ– Կարգի մրցաշարերու երկրորդ հանգրուանը , ուր մինչեւ 31/3/2017 թ. միութեանս ոտնագնդակի խումբը ունեցել է 5 մրցումներ (4 Շահ եւ 1 հաւասարութիւն)



13/1/2017.	EZV-3 VS HOMENETMEN	(0 - 5).
20/1/2017.	HOMENETMEN VS Almelo F.C.	(11 - 2).
11/2/2017.	EBZV 852 VS HOMENETMEN	(6 - 6).
16/3/2017.	HOMENETMEN VS TVO	(3 - 0).
31/3/2017.	HOMENETMEN VS Tegen Potig	(9 - 3).

ԸՆՏԱՆԵԿԱՆ ՊԱՐԱՀԱՆՈՒՄ

Նոր Տարուայ եւ Ս.Ծննդեան տօներու առթիւ, Հ.Մ.Ը.Մ. Ալմելո Մեկուսի Շրջանի վարչութիւնը . Հոլանտայի Հնկլո քաղաքի (Beckum palace) սրահին մէջ , Ուրբաթ 6 Յունուար 2017 թ.ին, կազմակերպեց ընտանեկան պարահանդէս.:

Մասնակցութեամբ յայտնի եւ սիրելի երգիչ Գօգո Ասական . օրուայ ձեռնարկին մասնակցել էին աւելի քան 700 (Հ.Մ.Ը.Մ.ական եւ համակիր)ներ:

Նորանոր լաւագոյն բարեմաղթեցուելով բոլորին . ջերմ խանդավառութեամբ աւարտեց ձեռնարկը:





Այցելություն

Ուրբաթ, Փետրուար 3. 2017թ Ալմելոի Քաղաքապետ (Արեան Խերիդսըն)ը , Ալմելոի քաղաքապետարանի հայ ներկայացուցիչ (Ռուբեն Գիլեջի)ի ընկերությամբ. Միութեանս աշխատանքներու և անդամներու ծանօթանալու նպատակով , այցելեցին Հ.Մ.Ը.Մ. Ալմելո մեկուսի շրջան:

Միութեանս վարչութեան անդամները դիմաւորելով հիւրերուն ներկայացուցին քաղաքապետին սրահի մուտքի մէջ ցուցադրուած նկարները . ուր ետք սրահին մէջ համախմբուած սկաուտները եւ ներկայ անդամները իրենց ջերմ ընդունելութիւնները յայտնեցին նրանց:



Եդր.Մասիս Պօղոսեան. փոխանցեց հիւրերուն Հ.Մ.Ը.Մ.ը իբր համաշխարհային կազմակերպութեան կարգավիճակը (կազմակերպչական կառոյցը , ընդհանուր անդամներու թիւը, տարած գործունէութիւնները, մարզական եւ սկաուտական աշխատանքները): Եդրայրը , ներկայացուց նաեւ ցուցադրելով Հ.Մ.Ը.Մ. Ալմելոի (Հիմնադրութիւնէ մինչեւ այսօր) տարած աշխատանքները:

Քոյր Սօնեա խաչատուրեան (Եդր.Մասիս Պօղոսեան ի զեկոյցը աւարտելէ ետք) զեկուցեց ցուցադրելով բոլորին ընդհանուր Հ.Մ.Ը.Մ.ի սկաուտական աշխատանքները եւ մասնաւորապէս Հ.Մ.Ը.Մ. Ալմելո ի սկաուտներուն աշխատանքները:



Զեկույցները աւարտին քաղաքապետը իր ջերմ ողջոյններով փոխանցեց իր սրտագին գնահատելի խօսքերը ներկաներուն (իր հպարտութիւնը արտայայտուելով թէ այսպիսի միութիւն մը կ'գործի Ալմելօ քաղաքէն ներս):



Օրուայ ձեռնարկի աւարտին քաղաքապետը լուսանկարուեցաւ միութեան սկաւտներու հետ եւ միութեանս ատենապետ Եղբ. Սարգիս Տէր Ղազարեան փոխանցեց միութեանս կողմէ պատրաստուած յուշանուէր մը Քաղաքապետին . ետք հիւրերը եւ ներկաները համտեսեցին Տիկնաց Յանձ.ի կողմէ պատրաստուած հայկական նախաուտեսները :





ՀԱՆԴԻՊՈՒՄ



27 Յունուար 2017 թ. Հ.Մ.Ը.Մ. Ալմելո Մեկուսի Շրջանի սրահին մէջ ,տեղի ունեցաւ Հ.Մ.Ը.Մ. Ալմելոի եւ Առնհեմի մեկուսի Շրջաններու վարչութեան անդամներու (Քոյր- Եղբայր)ական հանդիպում: Հանդիպման օրակարգը եղաւ (համագործակցութիւն) մարզական , սկաուտական եւ միութենական շարժումները զարգացնելու նպատակով : Որոշուեցաւ համակարգել (մարզական եւ սկաուտական) յանձնախումբեր. կազմելով կատարել համատեղ գործունէութիւններ եւ մօտ ապագային . համագործակցութեան աշխատանքները ընդլայնացնելու նպատակով եւ մօտ ապագային ընդգրկել Հ.Մ.Ը.Մ.Ալքմառ եւ այլ մեկուսի շրջանները համագործակցութեան ծրագիրներու մէջ :

Պտոյտ դէպի Հ.Մ.Ը.Մ. Առնհեմ

Հ.Մ.Ը.Մ. Ալմելո եւ Առնհեմ Մեկուսի Շրջաններու մարզական եւ անդամական յարաբերութիւնները զարգացնելու կապակցութեամբ. Հ.Մ.Ը.Մ. Առնհեմ Մեկուսի Շրջանի վարչութիւնը կիրակի 12 մարտ 2017 թ. ին . Առնհեմ քաղաքի (Sportcentrum rij- kerswoerd) մարզադաշտին մէջ . կազմակերպեց սրահի ոտնագնդակի , Պասքէթպոլի եւ Բատմինդոնի մրցախաղեր: Հ.Մ.Ը.Մ. Ալմելո են մասնակցեցան մօտ 100 (մարզիկ ,սկաուտ եւ անդամներ), եւ նման թիւով Հ.Մ.Ը.Մ. Առնհեմ են դիմաւորելու էին նրանց:



Հասցէ . Adres : welgelegen 8 . 7608 JZ - Almelo

Կայք էջ . Website : homenetmenalmelo@yahoo.nl

Facebook : Batil Bozizyan (Homenetmen Almelo)

Առաջարկներու համար կը խնդրուի կապ հաստատել homenetmenalmelo@yahoo.nl ուլ

Օրուայ ձեռնարկի յայտագիրը բացումը յայտարարուեցաւ Յառաջ նահատակով ուր ետք Եղբ. Լիպարիտ Սիմոնեան (Հ.Մ.Ը.Մ. Առնհեմ ի վարչութեան ատենապետ) ջերմ ողջոյններով բարի գալուստի խօսքեր փոխանցեց ներկաներուն: Հրաւիրուեցաւ Եղբ. Հայո (Հայաստան Սարգիսեան) միութեանս սրահի ոտնագնդակի մարզիչ իր պաշտօնը վարել երկու միութիւններու խումբերուն. Ուր փորձերէ ետք տեղի ունեցաւ երկու միութիւններու մարզիկներու խարն խմբերու սրահի ոտնագնդակի մրցաշար:



Սրահի ոտնագնդակի մրցումները աւարտին տեղի ունեցաւ Պասքէթպոլի մրցումներ երկու միութիւններու խումբերու միջեւ ապա նուին ժամանակ տեղի ունեցաւ խարն (Երկու միութիւններու մարզիկներու) վոլիբոլի եւ բատմինդոնի մրցումներ:

Օրուայ մրցումներու միակ շահողները համախմբուած իրար հետ խարն մէկ խումբ կազմող մարզիկներն էին:



Մարզական ժամանակամասը աւարտին Հ.Մ.Ը.Մ. Առնհեմի ընկերային յանձնախումբը պատրաստած էր BINGO– ի խաղեր . ուր երկու միութիւններու անդամները մասնակցեցան այդ ձեռնարկին: Օրուայ ձեռնարկները աւարտելէ ետք Հ.Մ.Ը.Մ. Առնհեմ ի ատենապետ (Եղբ. Լիպարիտ Սիմոնեան) փոխանցեց Հ.Մ.Ը.Մ. Ալմելօ ի (Եղբ. Սարգիս Տէր Ղազարեան) ատենապետին պատրաստուած յուշանուէր մը . ուր միասնաբար յայտարարեցին իրենց ցանկութիւնները . շարունակուի նման հանդիպումներ ապագայ ժամանակաշրջաններուն:



Սկաուտական Գիտելիքներ



Գիտնալ Դիւանական Աշխատանքի Եղանակը

Պատասխանատու մարմիններու մնայուն մտահոգութիւններէն եղած է ատենագրութիւններու միօրինակացման աշխատանքը, այն իմաստով որ ապագային անոնք կարենան միութեան պատմութեան պատրաստութեան օգտակարութիւն ունենալ:

Ա.- Ի Չ Է ԴԻԻԱՆԸ ԵՒ ԻՐ ՊԱՐՏԱԿԱՆՈՒԹԻՒՆԸ

Միութեան մը դիւանը այն մարմինն է, որուն վիճակուած է միութեան գործերը վարելու պարտականութիւնը:

Դիւանը կը բաղկանայ ատենապետէ, ատենադպիրէ եւ գանձապահէ: Ատենապետը կը վարէ ժողովը, իսկ ատենադպիրը կը պահէ ժողովի օրակարգին արձանագրութիւնները: Հոս հարկ է յիշել, որ սկաուտական ժողովներու դիւանը ընդհանրապէս բաղկացած կ'ըլլայ խմբապետէ եւ ատենադպիրէ (բացի խմբակային ժողովներէ):

Բ.- Ի Չ ԿԷՏԵՐԷ ԿԸ ԲԱՂԿԱՆԱՅ ԺՈՂՈՎԻ ՄԸ ՕՐԱԿԱՐԳԸ

1. Ներկայութեան ստուգում.
2. Նախորդ ատենագրութենէն բխած հարցեր.
3. Ստացուած եւ առաքուած գրութիւններ
4. Զեկուցում (Ա. Կատարուած աշխատանքի Բ.կատարուելիք աշխատանքի).
5. Ընթացիկ հարցեր եւ առաջարկներ.
6. Ատենագրութեան ընթերցում եւ վաւերացում.

Ժողովը կ'ունենայ նիստի թիւ (օրինակ՝ Ա. Նիստ) , ինչպէս նաեւ՝ կը յիշուի թուական, օր եւ վայր: Ատենադպիրին պարտականութիւնը ժողովի ընթացքին, օրակարգի լուծման ընթացքին, ամփոփ կերպով նօթագրել է տարուած բոլոր աշխատանքները՝ մեկնելով օրակարգէն, ապա ժողովի աւարտին կարդալ եւ վաւերացնել էտք ժողովը փակել: Ժողովի ընթացքին արձանագրուած այս գրութիւնը կը կոչուի ժողովի ատենագրութիւն:

Ատենադպիր մը ատենագրութիւնը պատրաստած միջոցին պէտք է նկատի ունենայ հետեւեալ կէտերը.-

Ա. Մտիկ ընել ժողովը.

Բ. Հարկ եղած նոթագրութիւնը կատարել.

Գ. Ատենագրութիւնը ներկայացնել ամփոփ, բայց հասկնալի:

Ամփոփ չի նշանակեր արագ բան մը պատրաստել եւ ներկայացնել:

Ատենագրութիւնը պէտք է այնպէս մը պատրաստուի , որ երբ ոեւէ անձ կարդայ զայն կարենայ հասկնալ, թէ ի՞նչ տեղի ունեցած է այդ ժողովին:

Գ.-ԱՐԽԻԻԱՅԻՆ ԱՇԽԱՏԱՆՔ

Մասնաճիւղի մը արխիւները կը ցոյցնեն վարչութեան եւ ի մասնաւորի մասնաճիւղի մը կեանքը, ունեցած գործունէութիւնը եւ արձանագրած յաջողութիւնը:

Իւրաքանչիւր մասնաճիւղ պէտք է բժախնդրութեամբ մօտենայ իր մասնաճիւղի արխիւներուն, որովհետեւ որեւէ միութիւն, ժամանակի ընթացքին պատմութեան կ'անցնի իր արխիւներով: Այսպէս , եթէ պրպտենք Հ.Մ.Ը.Մ.ի արխիւները պիտի տեսնենք , թէ ի՞նչ քոյր-եղբայր անցած են միութեան շարքերէն:

ԱՐԽԻՒԱՅԻՆ ԱՇԽԱՏԱՆՔԸ Կ'ԸՆԴԳՐԿԷ.-

1) Ատենագրութիւն.

2) Նամակագրութիւն.

Ա. Առաքուած նամակներու թղթածրար.

Բ. Ստացուած նամակներու թղթածրար.

Գ. Առաքուած շրջաբերականներու թղթածրար.

Դ. Ստացուած շրջաբերականներու թղթածրար.

Ստացուած բոլոր գրութիւններու պարագային հարկ է նշել ստացման թուականը:

3) Դիմումնագիրներու թղթածրար.

4) Նիւթաբարոյական տեղեկագիրներու թղթածրար.

5) Գոյքերու թղթածրար.

6) Ժողովներու ատենագրութիւններու թղթածրար.

7) Ալպոմ.



Դ.- ՎԵՐՋԱԲԱՆ

Որեւէ մասնաճիւղ իր ժողովական կեանքէն ներս հարկ է որ յարմար քոյր մը կամ եղբայր մը պարտականութեան կոչէ, որպէսզի ստանձնէ ատենագրութեան պարտականութիւնը: Ատենադպիրի մը պարտականութիւնը այդքան ալ ծանր չէ , որ ալ՝ դիրին, սակայն շատ կարեւոր պարտականութիւն մըն է: Հետեւաբար, ընդհանուր արխիւային աշխատանքը կարեւոր յանձնառութիւն մըն է արխիւային աշխատանքը կարեւոր յանձնառութիւն մըն է ապագային հաշտոյն, Հ.Մ.Ը.Մ.ի պատմութեան կերտումին համար:

Սկաւտական Երբեր

Հ.Մ.Ը.Մ. Հայ Արիւնք

Հ.Մ.Ը.Մ. հայ արիւնք,

Հերոսներու դատին ժառանգ,

Առողջ, զուարթ ու անվեհեր,

Մենք կը կերտենք մարմին ու կամք:



Օտար աշխարհ, օտար դաշտեր,

Բայց հայրենի վեհ դրօշին տակ.

Պատին հայուն բռած միշտ վեր՝

Կը շահինք փառք ու յաղթանակ:

Հ.Մ.Ը.Մ. Յոյսի սերունդ

Չունինք դադար , չունինք նահանջ,

Դէպի լեռներ լուսաճնունդ

Մենք յաղթաքայլ կ'երթանք յառաջ:

ՀԱՅ ՄԿԱՌԻՏԻ ՕՐ. 2017

Հ.Մ.Ը.Մ. Ալմելո Մեկուսի Շրջան ի Սկաուտական Խմբապետական կազմը այս տարի եւս , նման նախորդ տարիներուն ,նշեց Հայ Սկաուտի օր . բայց մի այլ կերպարանքով քան նախորդ տարիներուն: Նրանք կազմակերպեցին այցելութիւններ Ալմելո քաղաքի մէջ գտնուող , բարեխնամ եւ առողջապահական հայկական հաստատութիւններուն ուր .-



-22 Փետրուար 2017 թ.ին 10 սկաուտներ , Եղբ. Յակոբ Գաւաթեանի պատասխանատուութեամբ այցելեցին ՊՐՈՒՆՕ առողջապահական հաստատութիւնը . ուր սկաուտները , աշխատաւորներու եւ յաճախող մեծ մայրերու եւ պապերու հետ (սկաուտական ձեռնաշխատանքներ եւ Պինկօի խաղերով) ժամանցեցին:



Այցելութեան աւարտին Եղբ. Յակոբ Գաւաթեան փոխանցեց հաստատութեան պատասխանատուին, սկաուտական խմբապետական կազմի կողմէ պատրաստուած յուշանուէրը:



-24 Փետրուար 2017թ.ին 10 սկաուտներ , Քոյր Սօնիա Խաչատուրեանի պատասխանատուութեամբ, այցելեցին ԱՆԱՀԻԴ առողջապահական հաստատութիւնը . ուր սկաուտները ժամանցեցին , աշխատաւորներու եւ յաճախող մեծ մայրերու եւ պապերու հետ:



Քոյր Սօնիա Խաչատուրեան փոխանցեց հաստատութեան պատասխանատւին Տիկ.Նուէր Տէր Մովսէսեանին Սկաուտական խորհուրդի կողմէ պատրաստուած յուշանուէրը:



Կիրակի 5 Մարտ 2017 թ. Միութեանս Սկաուտական խմբապետական կազմը համագործակցութեամբ Ալմելօի Ս.Գրիգոր Լուսաւորիչ Եկեղեցւոյ . Ս.Մեսրոպ Մաշտոց Կիրակնօրեայ դպրոցի հետ .Ալմելօի Ս.Գ.Լ.Եկեղեցւոյ Գալուստ Կուլպենկեան սրահին մէջ կազմակերպեցին Հայ Սկաուտի օրուայ , Հայ Բանակի եւ Զինուորի եւ Մայրենի Լեզուի օրուայ տօներու երեկոյ:



Սկաուտները մասնակցեցան Եկեղեցւոյ օրուայ եարարողութեան. ուր աւարտին , լուսանկարուեցան Ալմելօի Ս.Գրիգոր Լուսաւորիչ Եկեղեցւոյ հոգեւոր հովիւ Տէր Մաշտոց քահանայ Պաղտասարեանի հետ :



Ալմելօի Ս.Գ.Լ.Եկեղեցւոյ Գալուստ Կուլպենկեան սրահին մէջ օրուայ երեկոյի բացման արարողութիւնները աւարտելէ ետք (մասնակցողներու մուտքը եւ համախմբուիլ սրահին մէջ, Դրօշակներու մուտք եւ Տէրունական աղօթք) եւ յայտագրի առաջին մաս Կիրակնօրեայ դպրոցի աշակերտները լրացնելէ ետք երկրորդ մասը յանձնառութիւն տրուեցաւ մեր սկաուտները :



Սկաուտական եւ հայրենասիրական արտասանութիւնները եւ երգերը աւարտին, բաշխուեցաւ (Ա եւ Բ կարգի աւարտող) արժանացող Քոյրերու եւ Եղբայրին վկայագիրներ . ուր Քոյր Բողա Մերջոեան ստացաւ (Բ.Կարգի) վկայագիր , Քոյր Բիթա Մուրատեան ստացաւ (Բ.Կարգի) վկայագիր , Քոյր Մարիամ Միխրարեան ստացաւ (Բ.Կարգի) վկայագիր . իսկ Քոյր Բողա Պալուքեան ստացաւ (Ա.Կարգի) վկայագիր եւ Եղբ. Յակոբ Գասրարեան ստացաւ (Ա.Կարգի) վկայագիր:





Վկայագիրներու բաշխումն ետք Եդր. Մեւան Կորկիսեան (Սկաուտական խմբապետական կազմի անդամ) փոխանցեց ներկաներուն սկաուտական օրուայ խորհուրդը եւ պատգամը .իր խօսքը աւարտելով հրաւիրեց Ալմելօի Ս.Գրիգոր Լուսաւորիչ Եկեղեցւոյ հոգեւոր հովիւ Տէր Մաշտոց քահանայ Պաղտասարեանին փական խօսքը ուղղելու եւ օրուայ ձեռնարկին (Ըստ ամէն տարի այս տարի եւս Միութեանս սկաուտական օժանդակ յանձնախումբը պատրաստած էր ոսպէ ապուր) ճաշ օրհնութեան:





Հ.Մ.Ը.Մ.Ի

ԿԵԴՐՈՆԱԿԱՆ ՎԱՐՉՈՒԹԻՒՆ



Պեյրուֆ, 8 Փետրուար 2017

ՇՐՋԱՔԵՐԱԿԱՆ ԹԻՒ 28

Հ.Մ.Ը.Մ.Ի Շրջանային եւ Մեկուսի Վարչութիւններուն

Նիւթ՝ Միութեան 100ամեակի նշանակ ու նշանաբան

Միտելի քոյրեր եւ եղբայրներ,

Կեդրոնական Վարչութիւնը Միութեան 100ամեակի նշանակին (logo) համար մրցոյթ յայտարարած էր, որուն մասնակցեցան միութեան համաշխարհային կառոյցէն եղբայրներ ու քոյրեր: Բոլոր մասնակիցներուն գաղափարներն ու յղացումները իրայատուկ էին ու Կեդրոնական Վարչութիւնը կը գնահատէ բոլորին աշխատանքն ու նախաձեռնութիւնը:

Յետ խորհրդակցութեան, Կեդրոնական Վարչութիւնը որոշեցրեց եղբ. Արի Պոյաճեանի (Արեւմտեան Միացեալ Նահանգներու Շրջանէն) պատրաստած նշանակը (կցուած):

Նշանաբանի պարագային որոշեցրուեցաւ եղբ. Վանիկ Գասարճեանի (Լիբանանի Շրջանէն) տարբերակը: Միութեան 100ամեակի նշանաբանն է.- «Պատուաբեր անցեալէն՝ Յաղթական ապագայ»:

Մեր թելադրութիւնն է, որ Յունուար 2018էն սկսեալ բոլոր Շրջաններն ու Մեկուսի Շրջանները իրենց նամակի թուղթերուն ու պահարաններուն աջ կողմը ունենան Միութեան 100ամեակի նշանակը, նախընտրաբար վերի կողմը, իսկ անկարելիութեան



պարագային ստորագրութիւններուն մօտ: Նշանակը անհրաժեշտ է տեղադրել նաեւ պաշտօնական հաղորդակցութեանց, արտաքին հաղորդակցութեան ու հրաւեր-քարտերու վրայ, ինչպէս նաեւ Ձեր ընկերային ցանցերուն (Social Media) վրայ:

Նշանակին փոքրագոյն չափը 3.2 սմ/1.25" պէտք է ըլլայ: Իսկ գոյներու տպագրութեան մանրամասնութիւնները նշուած են նշանակի թղթածրարով (կցուած): Խստիւ արգիւրած է նշանակին գոյները կամ ձեւը փոփոխութեան ենթարկել:

Համա-Հ.Մ.Ը.Մ.ական 10րդ մարզախաղերու մասնակից մարզիկներն ու պատուիրակութեան անդամները իրենց շապիկներուն, տարազներուն ու թի-շըրթներուն ձախ կողմը պարտին ունենալ միութեան վահանը, իսկ աջ կողմը՝ 100ամեակի նշանակը: Գլխարկներու պարագային, 100ամեակի նշանակը՝ կեդրոնը:

Սոյն նշանակին պէճը Միութեան սկաուտական եւ մարզական շարքերը պարտին կրել Հոկտեմբեր 2017Էն սկսեալ մինչեւ Դեկտեմբեր 2018ի աւարտ: Դեճերը կը պատրաստուին ու կը փոխանցուին Կեդրոնական Վարչութեան կողմէ Շրջանային եւ Մեկուսի Վարչութիւններու միջոցով:

Խստիւ արգիւրած է նշանակը օգտագործել նշուած ծիրերէն դուրս, յատկապէս վաճառականական նպատակներով: Այլ առաջարկներու պարագային, կարելի է դիմել Կեդրոնական Վարչութեան:

Լիայոյս ենք, որ Շրջաններն ու Մեկուսի Շրջանները արժանաւորապէս պիտի կրեն սոյն նշանակը հետեւելով Կեդրոնական Վարչութեան թելադրութիւններուն:

Հ.Մ.Ը.Մ.Ի

ԿԵԴՐՈՆԱԿԱՆ ՎԱՐՉՈՒԹԻՒՆ



**Հ.Մ.Ը.Մ. Ալմելո Մեկուսի Շրջանի 2016 թ.Առաջին եռամսեայ
իրականացուած իրադարձութիւնները
(Յունուար - Փետրուար - Մարտ)**



- ⇒ 6 Յունուար- Միութենական (Հենկլօ)
Նոր Տարուայ եւ Ս.Ծննդեան առթիւ . ընտանեկան պարահանդէս.
- ⇒ 13 Յունուար – Մարգական (Ալմելօ).
Միութեանս սրահի Ա. Ոտնագնդակի խումբը Թուենթա շրջանի Գ.կարգի ախոյան մրցաշարի երկրորդ հանգրուանի մրցակցեց EZV-3 խումբին դէմ. Եւ յաղթանակի արժանացաւ (5-0).
- ⇒ 20 Յունուար – Մարգական (Ալմելօ).
Միութեանս սրահի Ա. Ոտնագնդակի խումբը Թուենթա շրջանի Գ.կարգի ախոյան մրցաշարի երկրորդ հանգրուանի մրցակցեց Almelo F.C. խումբին դէմ. Եւ յաղթանակի արժանացաւ (11-2).
- ⇒ 22 Յունուար – Յարաբերական (Դան Հախ)
Միութիւնս իր մասնակցութիւնը բերաւ Հայ Դատի եւ Հոլանդահայ Համագործող Կազմակերպութիւններու .կազմակերպուած համագումարին (Թէման: պատրաստութիւններ 2017 թ. Ապրիլեան միջոցառումներուն):
- ⇒ 27 Յունուար – Յարաբերական (Ալմելօ)
Հ.Մ.Ը.Մ. Առնհեմ Մեկուսի Շրջանի վարչութեան անդամներու հանդիպումը միութեանս վարչութեան անդամներու հետ (Մարգական , Սկաուտական եւ Միութենական աշխատանքները զարգացնելու նպատակով) :
- ⇒ 3 Փետրուար – Յարաբերական (Ալմելօ)
Ալմելօ ի քաղաքապետ (Արեան Խերիդսըն) , Ալմելօի քաղաքապետարանի հայ ներկայացուցիչ (Ռուբէն Գիլեջի)ի ընկերութեամբ , միութեանս աշխատանքներու եւ անդամներու ծանօթանալու նպատակով. Այցելեցին Հ.Մ.Ը.Մ. Ալմելօ Մեկուսի Շրջան:
- ⇒ 11 Փետրուար – Մարգական (Ալմելօ).
Միութեանս սրահի Ա. Ոտնագնդակի խումբը Թուենթա շրջանի Գ.կարգի ախոյան մրցաշարի երկրորդ հանգրուանի մրցակցեց EBZV-852 խումբին դէմ. Խաղը աւարտուեցաւ հաւասարութեամբ.
- ⇒ 11 Փետրուար.Միութենական (Ալմելօ)
Միութեանս Ընկերային Յանձ. կազմակերպեց ՊԻՆԿՕ ի խրախճանք:
- ⇒ 17-19. Փետրուար – Յարաբերական (Վիեննա)
Հ.Մ.Ը.Մ. Ալմելօ Մեկուսի Շրջան իր մասնակցութիւնը բերաւ Հ.Մ.Ը.Մ. Եւրոպայի Երիտասարդական Առաջին Հաւաքին Վիեննա քաղաքին մէջ:
- ⇒ 22 Փետրուար – Յարաբերական (Ալմելօ)
Հայ Սկաուտի օրուայ առթիւ Միութեանս Սկաուտական Խմբապետական կազմը կազմակերպեց այցելութիւն (ՊԲՈՒՆՕ) առողջապահական հաստատութիւն:
- ⇒ 24 Փետրուար – Յարաբերական (Ալմելօ)
Հայ Սկաուտի օրուայ առթիւ Միութեանս Սկաուտական Խմբապետական կազմը կազմակերպեց այցելութիւն (ԱՆԱՀԻԴ) առողջապահական հաստատութիւն:

⇒ 5 Մարտ – Յարաբերական (Ալմելօ)

Միութեանս Սկաուտական Խմբապետական կազմը համագործակցութեամբ Ալմելօի Ս.Գրիգոր Լուսաւորիչ Եկեղեցւոյ ,Ս.Մեսրոպ Մաշտոց Կիրակն-օրեայ դպրոցի հետ : Ալմելօի Ս.Գ.Լ.Եկեղեցւոյ Գալուստ Կուլպենկեան սրահին մէջ .
Հայ Սկաուտի , Հայ Զինուորի եւ Մայրենի լեզուի օրուայ տօներու երեկոյ:

⇒ 12 Մարտ – Յարաբերական (Առնհեմ)

Մարզական եւ անդամական յարաբերութիւնները զարգացնելու նպատակով . Միութիւնս կոչ ուղղելով բոլորին (Անդամներուն եւ Ոչ անդամներուն) . իրենց մասնակցութիւնը բերել .Հ.Մ.Ը.Մ. Առնհեմ Մեկուսի Շրջանի կազմակերպած սոյն թուականի ձեռնարկին:

⇒ 16 Մարտ – Մարզական (Ալմելօ).

Միութեանս սրահի Ա. Ոտնագնդակի խումբը Թունեթա շրջանի Գ.կարգի ախոյան մրցաշարի երկրորդ հանգրուանի մրցակցեց TVO խումբին դէմ. Եւ յաղթանակի արժանացաւ (3-0).

⇒ 25 Մարտ – Միութենական (Ալմելօ)

Մեծ Պահքի ՄԻԶԻՆՔ ի առթիւ միութեանս Ընկերային Յանձ. կազմակերպեց խրախճանք եւ ՊԻՆԿՕ ի խրախճանք:

⇒ 31 Մարտ – Մարզական (Ալմելօ).

Միութեանս սրահի Ա. Ոտնագնդակի խումբը Թունեթա շրջանի Գ.կարգի ախոյան մրցաշարի երկրորդ հանգրուանի մրցակցեց Tegen Potig խումբին դէմ. Եւ յաղթանակի արժանացաւ (9-3).

ԲՈՎԱՆԴԱԿՈՒԹԻՒՆ

-«ԽՄԲԱԳՐԱԿԱՆ (ՄԱՐԶԻԿ) . Յաղթանակի Մոլութիւնը.

-Հ.Մ.Ը.Մ.-ի Եւրոպայի Երիտասարդական Առաջին Հաւաքը Վիեննայի մէջ .

-Այսօրուայ Երիտասարդները Վաղուան Առաջնորդներ.

-Վա յ վա յ կղզիէն . Լուրեր .

-Հ.Մ.Ը.Մ. Ալմելօ ի Ոտնագնդակի (Ա) Խումբը.

-Ընտանեկան Պարահանդէս.

-Այցելութիւն.

- Հանդիպում.

-Պտոյտ դէպի Հ.Մ.Ը.Մ. Առնհեմ.

-Սկաուտական Գիտելիքներ(Գիտնալ Դիւանական Աշխատանքի Եղանակը).

-Սկաուտական Երբեր (Հ.Մ.Ը.Մ. Հայ Արիներ).

-Հայ Սկաուտի օր 2017.

-Շրջաբերական Թիւ 28 (Միութեան 100 ամեակի նշանակ ու նշանաբան).

-Հ.Մ.Ը.Մ. Ալմելօ Մեկուսի Շրջանի 2016 թ.Առաջին եռամսեայ

իրականացուած իրադարձութիւնները (Յունուար - Փետրուար - Մարտ).